



ბ ა ნ ჩ ი ნ ე ბ ა
საქართველოს სახელით

20 აპრილი, 2011 წ.

ქ. თბილისი

თბილისის სააპელაციო სასამართლო
ადმინისტრაციულ საქმეთა პალატა

მოსამართლე – ნანა ჭიჭილევიშვილი

აპელანტები – შპს „გაკე-2000“ და პეტრე ბუალავა

მოწინააღმდეგე მხარე – ქ. თბილისის მთავრობა

მესამე პირები - ვაჟა ძაგანია, შპს „უძრავი ქონება თბილისი“

დავის საგანი - ადმინისტრაციულ-სამართლებრივი აქტის ბათილად ცნობა;

გასაჩივრებული გადაწყვეტილება – თბილისის საქალაქო სასამართლოს ადმინისტრაციულ საქმეთა კოლეგის 2011 წლის 10 მარტის გადაწყვეტილება
აპელანტის მოთხოვნა: გასაჩივრებული გადაწყვეტილების გაუქმება და ახალი გადაწყვეტილების მიღებით სასარჩელო მოთხოვნის დაკმაყოფილება

ზეპირი მოსმენის გარეშე განიხილა მესამე პირის – ვაჟა ძაგანიასათვის საჯარო შეტყობინების შესახებ საკითხი და

გ ა მ თ ა რ კ ვ ი ა:

თბილისის საქალაქო სასამართლოს ადმინისტრაციულ საქმეთა კოლეგის 2011 წლის 10 მარტის გადაწყვეტილებით შპს „გაკე 2000“-ის და პეტრე ბუალავას სასარჩელო განცხადება არ დაკმაყოფილდა.

აღნიშნული გადაწყვეტილება სააპელაციო წესით გაასაჩივრდა შპს „გაკე 2000“-ისა და პეტრე ბუალავას მიერ და მოითხოვე თბილისის საქალაქო სასამართლოს ადმინისტრაციულ საქმეთა კოლეგის 2011 წლის 10 მარტის გადაწყვეტილების გაუქმება და ახალი გადაწყვეტილებით სასარჩელო მოთხოვნის დაკმაყოფილება.

სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს ვადაში განხილვისა და გაჭიანურების თავიდან აცილების გარემოებებზე, გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები და მიიჩნევს, რომ ვინაიდან მხარის ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, მიზანშეწონილია ვაჟა ძაგანიას საქმის განხილვის დრო და ადგილი ეცნობოს საჯარო შეტყობინების გზით.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის აღმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

ზემოაღნიშნულიდან გამომდინარე, სააპელაციო სასამართლომ გაითვალისწინა რა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები, მიიჩნია, რომ ვინაიდან მესამე პირის – ვაჟა ძაგანიას ადგილსამყოფელი უცნობია და მათთვის სასამართლო უწყებების ჩაბარება სხვაგვარად ვერ ხერხდება, მიზანშეწონილია – ვაჟა ძაგანიას სხდომის თარიღისა და ადგილის შესახებ - თბილისის სააპელაციო სასამართლოს აღმინისტრაციულ საქმეთა პალატა, 2011 წლის 05 მაისი, 14.00 საათი, სხდომის დარბაზი №1, ეცნობოს საჯარო შეტყობინების გზით. ამასთან, სასამართლო შეტყობინება საჯაროდ გავრცელდეს თბილისის სააპელაციო სასამართლოს ვებ-გვერდზე განჩინების გამოქვეყნების გზით.

სააპელაციო სასამართლომ იხელმძღვანელა საქართველოს აღმინისტრაციული საპროცესო კოდექსის პირველი მუხლის მე-2 ნაწილით, საქართველოს სამოქალაქო საპროცესო კოდექსის 70-ე-78-ე, 285-ე მუხლებით და

დ ა ა დ გ ი ნ ა:

1. აღმინისტრაციულ საქმეზე №3/ბ-580-11, აპელანტები – შპს „ვაკე-2000“ და პეტრე ბერლავა, მოწინააღმდეგე მხარე – ქ. თბილისის მთავრობა, მესამე პირები - ვაჟა ძაგანია, შპს „უძრავი ქონება თბილისი“, დავის საგანი – აღმინისტრაციულ-სამართლებრივი აქტის ბათილად ცნობა, მესამე პირის – ვანა ძაგანიას სასამართლო სხდომაზე მოწვევა განხორციელდეს საჯარო შეტყობინების გზით. სასამართლო შეტყობინება საჯაროდ გავრცელდეს თბილისის სააპელაციო სასამართლოს ვებ-გვერდზე განჩინების გამოქვეყნების საშუალებით.

2. სხდომა დანიშნულია თბილისის სააპელაციო სასამართლოში (მდებარე: ქ. თბილისი, გრიგოლ რობაქიძის 7ა) 2011 წლის 05 მაისი, 14.00 საათზე, სხდომის დარბაზი №1.

3. სასამართლო უწყება მხარისათვის ჩაბარებულად ითვლება სასამართლო შეტყობინების თბილისის სააპელაციო სასამართლოს ვებ-გვერდზე განჩინების გამოქვეყნებიდან მე-7 დღეს.

4. ვანა ძაგანია გაფრთხილებულ იქნას, რომ სასამართლო (მოსამართლე) უფლებამოსილია, მხარის არასაპატიო მიზეზით გამოუცხადებლობის შემთხვევაში მის დაუსწრებლად გამოიტანოს გადაწყვეტილება საქმეში არსებული მასალების საფუძველზე და საქართველოს აღმინისტრაციული საპროცესო კოდექსის მე-4 და მე-19 მუხლების დებულებათა გათვალისწინებით.

5. განჩინებაზე კერძო საჩივარი არ დაიშვება.

მოსამართლე

ნანა ჭიჭილეიშვილი